



TOSHKENT DAVLAT YURIDIK UNIVERSITETI REKTORINING B U Y R U G ' I

26.07.2023

411-tm-son

Talabalarga hayfsan e'lon qilish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan. Universitetda yuqori malakali va halol yuridik kadrlarni tayyorlash uchun halollik talablariga qat'iy rioya qilish tizimi yaratilgan.

Shunga qaramasdan ayrim talabalar tomonidan universitet Akademik halollik va tadqiqot etikasi kodeksi talablari va Odob-axloq kodeksi qoidalarini buzish holatlari kuzatilmoqda.

Xususan, 2023-yil 2-iyun kuni Ommaviy huquq fakulteti Davlat-huquqiy faoliyat yo'nalishi talabalariga Huquqiy ko'nikmalar va metodologiya fanidan yakuniy nazorat imtihoni boshlanishidan taxminan 1 soatlar oldin Davlat-huquqiy faoliyat yo'nalishi 1-kurs talabalari G'afforov Shohruhbek G'ayratjonovich va Shodmonqulov Arslonbek Farxod o'g'li imtixon o'tkaziladigan maxsus jihozlangan universitet auditoriyasida hech kim yo'qligidan foydalanib kirganligi va yakuniy nazorat imtihoni topshirish uchun mo'ljallangan 5 ta kompyuterga uyali aloqa telefonidagi ma'lumotlarni joylashtirganligi aniqlangan.

Shu bilan birga, fakultet 1-kurs talabasi Vafoyev Feruz Baxtiyor o'g'li ushbu hodisa sodir bo'layotgan payti auditoriya eshigi oldida bo'lganligi va vaziyat yuzasidan hech kimni xabardor qilmaganligi qayd etilgan. Shuningdek, imtixon paytida fakultet 1-kurs talabalari G'afforov Shohruhbek G'ayratjonovich, Vafoyev Feruz Baxtiyor o'g'li, Shodmonqulov Arslonbek Farxod o'g'li, Fayzullayev Fazliddin Qodir o'g'li va Karimov Abdumalik Xolboyevichlar yakuniy nazorat o'tkazilayotgan fanga taaluqli bo'lgan ma'lumotlar joylangan 5 ta kompyuterga joylashganligi, o'zaro kelishgan holda kompyuterlarga oldindan yuklangan ma'lumotlardan foydalanishga uringanligi hamda ushbu harakatlari bilan talabalar yakuniy nazorat o'tkazish qoidalarini qo'pol ravishda buzganligi ma'lum bo'lgan.

Mazkur holat talabalarning pushaymonlik bilan tan olib yozgan tushuntirishlarida ham tasdiqlangan.

Yuqoridagi harakatlari bilan talabalar Sh.G'afforov, A.Shodmonqulov,

F.Vafojev, F.Fayzullayev va A.Karimov Toshkent davlat yuridik universitetining Akademik halollik va tadqiqot etikasi kodeksining 18-bandi 3-xatboshi (baholanadigan ishni bajarish paytida javoblarni berish yoki imtihon topshiriqlariga javoblarni uzatish yoki bu bo'yicha ruxsat etilmagan elektron qurilmalardan foydalanish), 127-bandi 3 va 4-xatboshi (nazorat ishi uchun qoniqarsiz baho – "0" (nol) ball qo'yilishi; mazkur Kodeksning 14, 15, 20, 21, 23–25, 28-bandlarida (ushbu bandlar bilan cheklanmaydi) nazarda tutilgan akademik nohalollik (qoidabuzarlik)ka yo'l qo'yish – hayfsan berilishi) talablari hamda universitet Odob-axloq kodeksining 8-moddasi (Universitet xodim, talaba va doktorantlari o'z xizmat va o'qish faoliyatlarini amalga oshirishda adolatli, halol va xolis bo'lishlari), 27-moddasida (talabalar yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o'zgalarga yordam ko'rsatmaslik; boshqa shaxslar tomonidan tayyorlangan topshiriqlar yoki yozma ishlarni o'z nomidan topshirmaslik) keltirilgan qoidalarni qo'pol ravishda buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, Toshkent davlat yuridik universitetining akademik halollik va tadqiqot etikasi kodeksining 18, 127-bandlari, universitet Odob-axloq kodeksining 8, 10, 27-moddalari hamda universitetning Ichki tartib qoidalari (ichki mehnat tartibi qoidalari) 83-bandiga asosan, shuningdek 2023-yil 26-iyundagi Toshkent davlat yuridik universiteti Akademik halollik kengashining 14-son majlis qaroriga muvofiq

BUYURAMAN:

1. Toshkent davlat yuridik universiteti Ommaviy huquq fakulteti Davlat-huquqiy faoliyat yo'nalishi 1-kurs talabalari G'afforov Shohruhbek G'ayratjonovich, Shodmonqulov Arslonbek Farxod o'g'li, Vafojev Feruz Baxtiyor o'g'li, Fayzullayev Fazliddin Qodir o'g'li va Karimov Abdumalik Xolboyevichlarga nisbatan hayfsan intizomiy jazo chorasi qo'llanilsin.

2. O'quv-uslubiy boshqarma (Registrator ofisi) (S.Bozarov) Ommaviy huquq fakulteti Davlat-huquqiy faoliyat yo'nalishi 1-kurs talabalari G'afforov Shohruhbek G'ayratjonovich, Shodmonqulov Arslonbek Farxod o'g'li, Vafojev Feruz Baxtiyor o'g'li, Fayzullayev Fazliddin Qodir o'g'li va Karimov Abdumalik Xolboyevichning 2022-2023 o'quv yili bahorgi semestri barcha fanlardan yozgan yakuniy nazoratlarini bekor qilsin.

3. Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) shaxsga doir qonunchilikka rioya qilgan holda mazkur buyruq bilan universitet talabalarini tanishtirsin.

4. Ommaviy huquq fakulteti dekani (Sh.Saydullayev):

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi

tikilishini ta'minlasin.

5. Mazkur buyruq ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Boshqarma boshlig'i

S.BOZAROV



yuriskonsult

D.ALIBOYEV

